



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 140. Andreæ Capellæ & Antonii Ricciardi mors.

[urn:nbn:de:hbz:466:1-67222](#)

Marpurgensis, qui disputatione de ma- Sæc. XVII.
gia Diabolica ibidem habita a Protestan- A. C. 1610.
tibus suis Doctoribus vehementer ob-
jurgatus, vastissimum, quod de hoc
argumento conscribere parabat, opus
absolvere præpediebatur, nihilominus
librum edidit de *Dæmonologia, de Dæ-*
monis cacurgia & lamiarum energia Fran-
cofordiensibus liberis anno millesimo
sexcentesimo septimo excusum, in quo
Tandleri Wittembergensis Professoris
tractatum de fascino & incantatione a-
carius perstrinxerat: cum vero exin-
de Protestantium invidiam in se con-
citasset, desertis eorum signis Catho-
licam fidem professus, tres libros,
*quibus titulus: *Innocentius sive de mi-**
seria, Francofordiæ anno Christi mil-
lesimo sexcentesimo nono excudi cu-
xabat.

§. CXL.

Andreae Capella & Antonii
Ricciardi mors.

His merito accensendus est Andreas
Capella natione Hispanus patria
Valentinus, qui relicto Societatis in-
stituto ad Sacrum Cartusianorum Or-
dinem anno quingentesimo sexagesimo

Miræus l. c.

Pp 2 nono

Sæc. XVII. nono supra millesimum transiit, ubi
A.C. 1610. virtute, doctrina & sanctitate conspi-
cuus & in divinis Scripturis versatissi-
mus, Theologus sublimis, & Prädi-
cator egregius tantam nominis sui fa-
mam sibi conciliabat, ut saepius Prior,
& non modo sui Ordinis, sed & quo-
rumdam Benedictinorum & Canonico-
rum Regularium Visitator, ac tandem
Episcopus Urgellensis nominaretur,
quam Ecclesiam viginti tribus annis
rexit, ac tandem octogenario major
die duodecima Septembris pie in Do-
mino obdormivit: Scripsit commenta-
rios in Hieremiam, Sermones quadrag-
simales & Dominicales, Exercitia spiri-
tualia, colloquium interius cum Christo
præter tractatum de Passione Domini.
Huic adjungimus Antonium Ricciar-
dum, patria Brixensem. Erat is
Vir eloquentiae & Philosophicæ eru-
ditionis laude conspicuus, qui gratam
sui memoriam Reipublicæ Literariæ
reliquerat præclaris ingenii sui monu-
mentis, ex quibus præcipue commen-
dantur amplissima duo volumina sub
titulo *commentaria Symbolica*: edidit e-
tiam tractatus de Angelis, & de cogni-
tione hominis, præter dissertationem de
Gallico vexillo *Auriflamma* dicto. Ex-
stat quoque ipsius *Historia Asolana* præ-
ter

ter tractatum de *idiomatum præstantia*; Sæc. XVII.
in quo libro Cimbricam seu Jütianam A.C. 1610.
Hæbraica lingua præstare, evincere
nititur.

§. CXLI.

Scriptores ex Ordine FF. Prædicatorum hoc anno defuncti,

Inter plures ex Ordine Prædicatorum
Scriptores, qui hoc anno decesse-
runt, paucos duntaxat, eosque cele-
briores recensemus, quos inter pri-
mus est Alexander Manerbius Brescia-
nus in Historicis versatissimus. Scripsit
Sylvam moralem seu allegorias anima-
lium, Sylvarum, montium & flumi-
num, necnon expositionem in Ruth &
Jonam, & commentarios de Religione.
Elegantissimos quoque sermones edidit
Pater Antonius Simeon Parisiis im-
pressos: insuper præter tractatum *in*
Sphæram Joannis de Sacrobosco Ioannes
Renard Flander universam elucu-
brabat Philosophiam. Contra recen-
tiores vero Joannes Montagnolus do-
ctrinam S. Thomæ egregie defendit,
edito hanc in rem Neapoli libro jam
diu expectato, & omnibus Studiosis
summe necessario. Venetiis quoque &

Miræus l.c.

Eckard

Script. Ord.

Præd.

Pp 3 alibi